

天一閣藏明代方志選刊

嘉靖銅陵縣志

一九六二年六月上海古籍
書店據寧波天一閣藏明嘉
靖刻本景印原書版框高二
一·〇公分寬一五·七公分

銅陵縣志公移

本縣申文

知縣李士元

銅陵縣爲撰緝志書以備咨訪以重民社事
照得本縣地壤雖爲壹縷實保障乎江洋遷
移未及百年多興革乎機務求觀今古允稱
師資切見縣志一書創自成化古蹟雖云略
存延至嘉靖今事漫無考證况今人才輩出
已非舊日之間閭規制漸新當改今時之耳
目欲行本縣儒學推擇通達博識生員卽於

金匱要略卷之五
肄業之隙詳加考訂搜剔微隱表章地求庶
幾文獻無不徵之嘆息諸侯有既存之典籍
矣仍念所用筆劄供給無憑措辦合於本縣
自理詞訟內支給買辦緣未申請卑縣未敢
擅便擬合就行申稟爲此今將前項緣由另
具書冊一本縣司合行具申伏乞

照詳施行湏至申者

欽差總理糧儲提督軍務兼巡撫右僉都御史
周 批依擬施行毋煩里甲可也完日具數

報繳

欽差提督學校巡按直隸監察御史耿 批依
擬第湏委任得人未可草草此繳

巡按直隸監察御史劉 批仰府議報

又批 依擬行但務覈實庶足以彰往考
來紀事而達志也繳

直隸池州府知府呂 批志書係一方文獻之
考徵該縣到任未久即欲修之可嘉
其間筆劄供用之費不貲仰縣計議

允當徑申 合于衙門施行繳

本縣牒文

銅陵縣爲重修志書事照得本職視篆銅陵
叨忝民社之寄求觀古志庸爲張弛之資方
冊雖云畧存地求漫無考據文獻不徵異世致
感諸侯去籍今事何憑合行該學博古賢師
掄選通達治體諳曉古今老成生員四人即
於肄業之隙重行脩造所擬筆筭食用本縣
另行支給爲此合行故牒該學查照施行仍

將創造日期修造名姓具報須至故牒者

本學申文

署教諭事沈梅

銅陵縣儒學爲重修縣志竊惟郡邑之有志
猶列國之有史西京劉向著郡國之事東漢
南陽撰風俗之編而志始肇陳壽稱善敘述
李延壽稱悉舊事而志獨踈蓋史貴三長志
病三戒情深博雅者尚有遺慨溢美過削者
終貽世譏信乎江文通以修史之難無出於
志也自愧菲才曷勝重典仰承

明公以政事之敏而治通化洽旣聿新夫制作
以文學之富而稽古禮文尤加意於訓典緣
舊志簡陋委以重修誠盛舉也其何敢辭乃
不自揣錄舊增新芟煩訂訛區疆域以志地
理陳治紀以志建置重民事以志田賦慎祀
禮以志禋祀紀職業以志官師重科目以志
選舉景賢哲以志人物脩著述以志文藝析
爲八卷合成一帙甚不可以擬史○之有紀
亦庶幾文獻之足徵聊以塞責懼難稱任雖多

實錄慮無體裁踈陋苟簡所不免也惟
明公痛加筆削幸甚幸甚

以上申牒三文俱

嘉靖四十二年八月十七日申繳

銅陵縣志纂脩凡例

一銅陵縣志自永樂一條弘治一條正德一條嘉靖一條凡經四集舊刻俱存今據本志地理建置裡祀田賦官師選舉藝文等或有缺而不錄者或有錄而門類多混者或彼錄而此遺者今悉爲參閱搜訪稍加編輯較前頗脩至於人物類名宦鄉賢忠節懋行已有定論悉依舊志

一境內山川錄其名勝者餘不勝其錄也

一戶口貢賦前代錄舊志所存者今錄近歲所上者以其時有盈縮也

一祠廟載在祀典者錄之崇正祀也

一亭館臺榭錄其有關大體者重遊觀也

一前代職官鄉科進士歲貢例援前志未備者悉訪而脩書之例不得有遺也

一邑官未去任者略叙其出處陞遷不敢贊美防諛佞也其已去任者據所聞之善則書不敢沒善也見聞之所未及者不書不

敢強不知以爲知也

一名宦鄉賢忠節等人物已有定論悉憑舊志其有鄉誼優老姑舉一二以近志有是例也

一仙釋本爲異端亦能清淨苦節異於世之塵染者是亦舊志所附錄也

一詩文有關大體者錄之不得混錄正訓典也

已上數條深愧菲劣姑盡愚忱不敢有一毫

徇私廢公第識見鄙陋未免苟簡惟

尊裁是聽

署銅陵教諭事錢塘沈梅書

凡例終

脩志官秩名氏

總裁纂脩事

銅陵縣知縣慈谿李士元

纂脩

署銅陵縣儒學教諭沈梅

校正

銅陵縣儒學訓導張世安

同校

銅陵縣鄉進士徐文山

編集

銅陵縣儒學生員陳舜化

余毅中

採訪

徐希誠

胡在田

陳慎

袁沛

陳舜典

余仰